

RAMELTON
FLOOD RELIEF SCHEME



**Comhairle Contae
Dhún na nGall**
Donegal County Council



Tionscadal Éireann
Project Ireland
2040

OPW Oifig na
nOibreacha Poiblí
Office of Public Works

Scéim Faoisimh Tuilte Ráth Mealtain



Nuachtlitir Nollaig 2025

SAN EAGRÁN SEO

An Scéal Is Déanaí

Seo an cúigiú nuachtlitir déag do Scéim Faoisimh Tuilte Ráth Mealtain. I measc na bpríomhghníomhaíochtaí a rinneadh ó foilsíodh an nuachtlitir dheiridh áirítear roghnúchán agus gníomhaíochtaí timpeallachta.

**Samhaltú Hiodrálach &
Imscrúduithe Talaimh**

Lch 2

**Roghnúchán &
Gníomhaíochtaí
Timpeallachta**

Lch 3

Na Chéad Chéimeanna Eile

Lch 4

Samhaltú Hiodrálach

Forbraíodh an tsamhail hiodrálach do Ráth Mealtain agus rinneadh tástáil uirthi. Ullmhaíodh Tuarascáil Hiodrálach do Scéim Faoisimh Tuilte Ráth Mealtain.

Suirbhéireachtaí agus Imscrúduithe

Sa tréimhse thuairiscithe dheiridh, chríochnaigh an fhoireann tionscadail raon feidhme oibre an chonartha imscrúdaithe talún, agus ina dhiaidh sin fógraíodh é le haghaidh tairisceana. Tá na tairiscintí á meas faoi láthair, agus táthar ag súil go gcuirfear tús leis na hoibreacha go luath in 2026.


I ndiaidh a bheith ceaptha, déanfaidh an conraitheoir iarratas ar cheadúnas seandálaíochta ó Shéadchomharthaí Náisiúnta agus ar cheadúnas riachtanach ar bith eile le haghaidh oscailt agus druidim bóithre.

Déanfar teagmháil roimh ré leis na húinéirí talún a mbeidh tionchar orthu leis na hoibreacha imscrúdaithe beartaithe a phlé agus le rochtain a shocrú.

Tá an Measúnú Tionchair Seandálaíochta (MTS) agus Scagadh Measúnaithe Cuí (MC) curtha i gcrích. Déanann siad seo tionchair a d'fhéadfadh teacht ó na himscrúduithe ar an timpeallacht máguaird a mheas.

Cuirfear tús leis na himscrúduithe talaimh ar an láthair go luath in 2026. Áirítear leis na hoibreacha Poll Tóraíochta Tuargana Cábla, Georadar (GPR), Claiseanna scoilte agus Sloic Iniúchta.

Mairfidh oibreacha ar an láthair tréimhse thart faoi 5 seachtaine.



Roghnúchán

Tá an scagadh tosaigh ar bhearta féideartha faoisimh tuilte curtha i gcrích ag an fhoireann tionscadail. Úsáideadh an tsamhail hiodrálach chun bearta inmharthana a mheas do gach cill tuilte. Cuireadh na bearta le chéile ina roghanna, agus tá na roghanna sin á dtástáil sa tsamhail le riachtanais airde agus fairsinge na gcosaintí tuilte a shainaithint. Nuashonraíodh an Tuairisc Roghanna taobh le samhaltú na roghanna. Tá an fhoireann tionscadail ag déanamh anailís ilchritéir anois, measúnuithe ar indéantacht tógála agus measúnachtaí ar gach rogha chun an Tuairisc Roghanna a thabhairt chun críche.

Reáchtáladh Ceardlann Roghanna ar an 17 Deireadh Fómhair le roinnt páirtithe leasmhara le suíomhanna agus na cineálacha cosaintí i ngach rogha a phlé. Ullmhóidh Ayesa na roghanna le cur i láthair don phobal agus do pháirtithe leasmhara le haghaidh comhairliúcháin, rud a chuideoidh leis an rogha scéime is fearr a thiocfaidh chun cinn do Ráth Mealtain a shainaithint.

Gníomhaíochtaí Timpeallachta

Tá an fhoireann tionscadail ag aithint suirbhéireachtaí éiceolaíochta breise a bheidh de dhíth i rith earrach 2026.

Nuair a thiocfaidh an rogha is fearr chun solais, rachaidh measúnú scóipe do shainsuirbhéireacht timpeallachta ar aghaidh, lena n-áirítear torann agus creathadh, cáilíocht an aeir, agus an tírdhreach agus gnéithe amhairc.

Tá an Tuairisc maidir le Réitigh Bunaithe ar an Nádúr á nuashonrú de réir léarscáiliú nua agus athbhreithniú an chliaint.

Na Chéad Chéimeanna Eile

Sna míonna atá romhainn, beidh an Fhoireann Tionscadail ag obair ar:

- ➔ An Tuairisc Roghnúcháin a chur i gcrích
- ➔ Suirbhéireachtaí éiceolaíochta breise
- ➔ Samhaltú Hiodrálach ar Roghanna Faoisimh Tuilte.
- ➔ Tús a chur le hlmscrúdú Talaimh ar an láthair



Déan Teagmháil Linn

Más mian leat teagmháil a dhéanamh leis an Fhoireann Tionscadail s'againn i dtaca le ceist ar bith a bhaineann le Scéim Cosanta Tuilte Ráth Mealtain, is féidir sin a dhéanamh ar na bealaí seo a leanas:

Ríomhphost

RameltonFRS@Ayesa.com

Gnáthphost

Bainisteoir Tionscadail Scéim Faoisimh Tuilte Ráth Mealtain

Ayesa Building

2100 Páirc Ghnó Aerfort Chorcaí

Bóthar Chionn tSáile

Fón

+353 (0) 21 240 7988

Más mian leat eolas ar bith eile a fháil i dtaca leis an Scéim, lena n-áirítear an clár, tabhair cuairt ar an suíomh gréasáin s'againn: